

20101452967

L I G J
PËR NDRYSHIMIN DHE PLOTËSIMIN
E LIGJIT PËR REVIZION SHTETËROR

Neni 1

Në Ligjin për revizion shtetëror (“Gazeta Zyrtare e Republikës së Maqedonisë” numër 66/10), në nenin 5 paragrafi 1 në fjalinë hyrëse pas fjalës “revizori” vihet presje dhe shtohen fjalët: “përkatësisht zëvendësi”.

Neni 2

Në nenin 9 pika 13 fjalët: “në Entin Shtetëror për Revizion” zëvendësohen me fjalët: “për të punësuarit në Entin Shtetëror për Revizion të cilët nuk kanë status të nëpunësve shtetërorë”.

Neni 3

Në nenin 13 paragrafi (2) shlyhet.

Neni 4

Pas nenit 13 shtohet Kapitulli i ri II-a. Të Punësuarit në Entin Shtetëror për Revizion me tre nene të reja: 13-a, 13-b dhe 13-v, si vijojnë:

„Neni 13-a

(1) Në Entin Shtetëror janë të punësuar nëpunës shtetërorë dhe persona të cilët nuk kanë status të nëpunësve shtetërorë.

(2) Status të nëpunësve shtetërorë kanë të punësuarit të cilët kryejnë punë profesionale nga fusha e revizionit, punëve planifikuese, materiale financiare, kontabiliste, informatike dhe punëve të tjera në kompetencë të Entit Shtetëror për Revizion.

(3) Të punësuarit në Entin Shtetëror për Revizion të cilët kryejnë punë ndihmëse dhe teknike, nuk kanë status të nëpunësit shtetëror”.

Neni 13-b

(1) Revizionin shtetëror e kryen revizori i autorizuar shtetëror dhe revizori shtetëror, të punësuar në Entin Shtetëror për Revizion.

(2) Titujt e revizorëve të autorizuar shtetërorë dhe revizorëve shtetërorë janë:

- këshilltar i kryerevizorit shtetëror që përkon me titullin këshilltar shtetëror,
- ndihmës i kryerevizorit shtetëror që përkon me titullin udhëheqës i sektorit,
- udhëheqës i revizionit që përkon me titullin ndihmës i udhëheqësit të sektorit,
- ndihmës i udhëheqësit të revizionit që përkon me titullin udhëheqës i seksionit,
- revizor i pavarur që përkon me titullin këshilltar,
- revizor i lartë që përkon me titullin bashkëpunëtor i lartë,
- revizor që përkon me titullin bashkëpunëtor dhe
- revizor i ri që përkon me titullin bashkëpunëtor i ri.

(3) Zgjidhjen për përcaktimin e titullit nga paragrafi 2 të këtij neni, e miraton kryerevizori shtetëror.

Neni 13-v

(1) Rrogat e revizorëve të autorizuar shtetërorë dhe revizorëve shtetërorë, përcaktohen në bazë të koeficienteve si vijon:

- këshilltar i kryerevizorit shtetëror me koeficient 3,40,

- ndihmës i kryerevizorit shtetëror me koeficient 3,30,
- udhëheqës i revizionit me koeficient 3,10,
- ndihmës i udhëheqësit të revizionit me koeficient 3,00,
- revizor i pavarur me koeficient 2,90,
- revizor i lartë me koeficient 2,70,
- revizor me koeficient 2,50 dhe
- revizor i ri 2,00.

(2) Vlerën e bazës e përcakton kryerevizori shtetëror në kornizat e buxhetit të përcaktuar të Entit Shtetëror për Revizion."

Neni 5

Në nenin 20 paragrafi (1) shlyhet.

Paragrafët (2), (3), (4), (5), (6) dhe (7) bëhen paragrafë (1), (2), (3), (4), (5) dhe (6).

Neni 6

Në nenin 38 paragrafi 3 fjalët: "Enti Shtetëror për Revizion" zëvendësohen me fjalët: "Kuvendi i Republikës së Maqedonisë".

Neni 7

Aktet nga neni 9 pika 11 të këtij ligji, kryerevizori shtetëror do t'i harmonizojë me dispozitat e këtij ligji në afat prej dy muajsh nga dita e hyrjes në fuqi të këtij ligji.

Neni 8

Ky ligj hyn në fuqi në ditën e tetë nga dita e botimit në "Gazetën Zyrtare të Republikës së Maqedonisë".